

CICIKOANBADIEGU

GUFENEMA MASOAGINDO

BULICINA FASO

Ti baa dógú pò, li yaa dani kúuma, ti baa paadí

BAALO KOANBALA TAANLI
JAGA DOAGIDIMA

(PP-G N°026-2025)

Pengidiwende Silibeedi WEDIRAWOGO

Wagidugu, li binli 2025 ciyia dana 04

Báálo Koanbala táánli den kali Wagidugu
nani ban máàni ki tiedi mààma dana lele kúli,
li binli 2025, ciyia dana 04, alaamuda daali
ki cili leeri 9 yogunu ki ban gbeni leeri 16 leni miniti 02,
Kapitenni Ibirayimi TARAWORE, yua n tie ti Diema Yudanciamo
leni a Koanbala Táá0nli Liigiyua n den gobidi laa taanli.

A Koanbala Taanli den noanli li daali mayula nni
ki tàà a jaga, ki puni i làabáali,
ki dini bi niba a bála li tuonli pò,
ki ñani bi tianba li tuonli nni,
ki dindi niyendo báli,
ki puni u sanu bi niba n gedi dietoama nni ti Diema yeli pò.

I. A JAGA

I.1. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA

A Koanbala Taanli taa **masienkaama tili yenli** ki waani mi jaanma sancena boginma n bàà yàà ŋua maama.

Ki cuoni mi jaanma sancenli ti diema nni bi dietoama nni tie yaa bogida n pia li yankuali a jaanda pò. A jaanda boncianla kuani bi yama laa sancenli nni lan tie ti diema nni bi ki gedi dietoama nni. Ama Báálo naa tadi ki kúani o yama nni li jaansancenli boginma ke lipò teni ke hali moala li jaansancenli bálímágobidikaama ki funi. Meki yáá sancenli bebe n pia ke mi masienkaama tili yaama n den taa li binli 2018, cinaa dana 09 leni yaa lanba n tie 2018-0268/PRES/PM/MATD/MSECU/MAEC/MINEFID/MS/MCRP/MTMUSR/MC AT gobidi li bogida.

Yaa masienkaama tili n yena bàá teni Baalo n fidi ki yaa gobidi mi jaanma sancena ke li dagidi.

I.2. YAA KOANBADIEGU N DIIDI TI DIEMA LOAGU LENI I LIGI

A Koanbala Taanli taa **tiwaankaana luoba (06)**.

Li tiwaankakpiali tuugi leni yaa maadidaginma tili n den púni u sánu Bulicina Faso n bàà ki ñii li panli sieditili leni li ŋanduli banko li binli 2025, ciluoba dana 12 Sikaso-Korogo-Bobo tuonsoanjaali ligi bààma pò.

Li ŋandunli banko n bàá ñani laa tuonsoanjaali ligi ke i kuli taanma tie **ero ligi nni 207 800 000**, lan tie **K 136 172 920 Seefa ligi nni**. laa tuonsoanjaali mayuli tie ki ŋanbi i sani buoli kuli mààma ke i bàá waagi ki ŋani ki go dagidi leni u yogunu n lebidi mààma lan teni bi niba sancenli leni bu kpaabu tuona Kadiogo, Nasinon, Giiriko, Jôrô, Tannunyan leni Yaadiga desiyonba nni yaa faali.

Bina múú siiga (05), laa tuonsoajaali bàá teni ban tieni i sani gududon yaa foagimu n pundi dajena (km) 115 ki go ŋanbi a dójààna nni yaa sani foagimu n pundi dajena (km) 150.

Laa tuonsoanjaali tuona tie i dóciami pò leni yaa dóbila n ye Banfora, Sideradugu leni Wuo dógi kóalima leni yaa sani n kadi leni jilijili sanu yu ñani Waga ki pòandi Bobo ki cá Kodivuari.

Laa tiwaankaali taama bàá teni Bulicina Faso n bàà leni mi maadidaginma tili ki ñii li panli sieditili leni li ŋandunli kuli banko Sikaso-Korogo-Bobo tuonsoanjaali ligi bàáma pò.

Li tiwaankalieli tuugi leni yaa maadidaginma tili n den púni u sánu Bulicina Faso n bàà ki ñii li panli sieditili leni Isilami banko mi findima pò (BIDI) li binli 2025, ciluoba dana 17 u loagu todima tuonsoandiedi ŋanbima pò.

Laa tuona ligi kuli taanma tie **Ero 213 640 000**, lan tie **K 140 138 130 696 Seefa ligi nni** ; laa ligi n boagidi maama nne :

- **Ero 25 810 000**, lan tie **K 16 930 250 170 Seefa ligi nni**, mi diema n bàá ñani yaa ligi;
- **Ero 187 830 000**, lan tie **K 123 208 080 662 Seefa ligi nni**, Isilami banko mi findima pò (BIDI) n bàá ñani yaa ligi, lan tie li sieditili ñiima mayuli.

Laa kaani ŋanbima mayuli tie ki teni mi diema sani leni yaa sani n ñani mi diema nni ki cá dotoe nni n ŋanbi lan todi u kpendu n yaa cuoni ti diema leni yaa dogi n koali siiga. Laa tuona bili ki bàá sóani bina náá (04) siiga.

Laa tuona bàá sóani Tannunyan, Nakambé, Nando, Nasinon, Ubiri, Yaadiga leni Jôrô desiyonba dóbila leni dóciami niba pò.

U loagu findima tuona n bàá go todi yaala li bontianla nne :

- i sani ŋanbima yaala n pundi dajena (km) 187,8;
- Kudigu leni Yako siiga sanu (mi diema sanjali n°13) ŋanbima leni gududon ligi boagidi bàáma;
- i sani ŋanbima caga múú (05) tuonsoatiadi bàáma leni gududon kààlima tuonsoankaani lie (02) ke laa tuonsoantiadi kuli tagi mi diema nni.

Laa tiwaankaali taama bàá teni Bulicina Faso n bàà leni mi maadidaginma tila ki ñii li panli sieditili leni Isilami banko mi findima pò (BIDI) u loagu findima sani ŋanbima pò.

Li tiwaankataali tuugi leni yaa **masienkaama tili** n kadi ki waani ke li tie tiladi yo Baalo tuonsoanjaana, yaa ligi n koa mi diema nni Baalo yeli pò, mi diema nni yaa tuonsoandiedi n gobidi bi niba saalayema ŋamu leni yaa tuonsoandiedi n gobidi ti yula kuli ligi n ji yaa bilidi mi diema ligidiedi ligikpagu nni.

Ki tugini leni Bulicina Faso ligi kubima báli màáma, i ligi n yaa bilidi kaanyendu tie yaa sanbili n tie tiladi i ligi kubima ŋamu pò. Li báli màáma tila boncianla ban den cili ki taa yáa hali li binli 1969 den tuodi ki doagidi laa sanbili.

Ama, ki bili tiladi i ligi Baalo ligidiedi kpagu nni báli màáma naa bi luo Baalo tuonsoanjaana, yaa tuonsoandiedi n diidi bi niba saalayema ŋamu, yaa ligi n koa mi diema nni Baalo yeli pò leni yaa tuonsoandiedi n gobidi ti yula.

Baalo ligi taanma fuuli nni, bi cilini ti ligidiedi ligi taanma banko (BEDETE) yaala n bàá teni ban fidi ki yaa gobidi Baalo ligidiedi ke li dagidi. Laa masienkaama tili bua ki teni Baalo ligi n taani yenma ti ligidiedi ligi taanma banko nni.

Laa masienkaama tili bàá teni ban bàà yaa báli màáma tila n bàá teni lan tua tiladi Baalo tuonsoanjaana, yaa tuonsoandiedi n diidi bi niba saalayema ŋamu,

yaa ligi n koa mi diema nni Baalo yeli pò leni yaa tuonsoandiedi n gobidi ti yula kuli ligi n yaa bilidi Baalo ligidiedi ligi taanma banko nni.

Li tiwaankanaali tuugi leni yaa **maadidaginma tili** n waani ke Bulicina Faso tuo ki bàá ñii li panli sieditili leni Afidiki findima pò banko (BADE) li binli 2025, cilele dana 18 li juunli tuona mi diema nni ligi bààma pò.

Laa tuona bàá sóani bina naa pò leni yaa ligi n taani ki pundi **K 25 254 191 276 leni falininba 2 Seefa ligi nni**. Laa ligi siiga, Baalo bàá ñani **K 1 337 147 405 leni falinba 4 Seefa ligi nni**, Afidiki findima pò banko (BADI) n ñani **19 785 202 UC** lan tie **K 15 887 063 870 leni falinba 8 Seefa ligi nni**, Afiriki findima ligicagili (FADI) mo n ñani **10 000 000 UC**, lan tie **K 8 029 180 000 Seefa ligi nni**.

Laa tuona mayuli tie ki pugini yaa niba kuli n ye leni mi yanduanma kaa yema yanyagidi juunli, ki teni u taayienun leni mi yanduanma n yaa ye Bulicina Faso nni.

Yaa nipanba leni yaa puoba n ki pia tuona bi tuonmoana, yaa niba n ye fala nni, yaaba n pòagili bu toabu nni, Vedepeenba leni a minteela kpepuona leni bi kpienbila n bàá bàà laa tuona todima.

Laa tuona bàá sóani Sunmi, Lipitako, Kulisé, Yaadiga, Gulimu, Bankuyi, Jôrô leni Giiriko desiyonba nne.

Laa tiwaankaali taama bàá teni Bulicina Faso n bàà ki ñii li panli tuoma sieditili leni Afiriki findima pò banko yaala n tie Bulicina Faso nni li juunli tuona ligi bààma pò.

Li tiwaankamuuli tuugi leni **ban bogini** ki bàá guani ki pegidi **i ligi báli màáma leni** Baalo n bili yaa ligi li binli 2025 tuona soanma pò.

Nani Baalo ligidiedi nni i ligi n kua ki pugini maama leni ban go taa yaa jagipaana i ligi kuama pò leni a luba gaama tuona puginma pò, li pundi ban guani ki pegidi i ligi báli màáma. Laa bonla kuli pò, ki ban cie i ligi n kua ki pugini maama teni ke li pundi ban guani ki pugini a tuona boginma ligi.

Yeni Baalo n bogini yaa ligi li binli 2025 tuona soanma pò ji bàá ñoadi nanda :

- i ligikuake kuli taanma fii **K 3 299 793 190 200 Seefa ligi nni** ki sua i bi tie li binli 2025 ligi báli makpiatili nni **K 3 149 793 190 200 Seefa ligi nni**;
- i ligiñake kuli taanma fii **K 3 762 272 128 200 Seefa ligi nni** ki sua i bi tie li binli 2025 ligi báli makpiatili nni **K 3 612 272 128 200 Seefa ligi nni**;
- yaa ligi n bua todima bàá ki tie yenma nani i ligi bálimakpiama tili n ni, lan tie **K 462 478 138 000 Seefa ligi nni**.

A Koanbala taanli tuo ke ban bogini yaa báli màáma yeni n pundi Depiteeninba tuonsoandiegu kani.

Li tiwaankaaluobili tuugi leni yaa **masienkaama tili** n cilini Baalo ligidiedi caga leni laa ligidiedi ligi n bàá yaa bogindi maamaa Bulicina Faso n tuuni yaa tonda dotoe nni mi diema ñantaadi pò saliwudidiedi nni.

Mi yanduanma kaa yema jama teni ke Baalo bua ki wadi u ligibiandu ti tiadi dááma nni leni bi tuonsoanba yema todima nni. Baalo tie li moandili yaala n tie i ligi ñama yaali yaali gbenma pò, ki teni ke i ligi ña yaa tuona n pia tiñuadi bi niba yema ñamu pò leni mi nibiadima koanli pò.

Laa masienkaama tili bua ki guani ki bogini ñama Bulicina Faso n tuuni yaa tonda dotoe nni mi diema ñantaadi pò leni laa tonda saliwudidiedi gobidima maama ke u ligibiandu bàá wadi. Li yaapò n teni ke Baalo bua ki taani a ligikubila saliwudidiedi kuli ti ligidiedi caga nni.

Laa masienkaama tili taama bàá teni ban bàà ki yaa gobidi ŋama ban bili yaa ligi mi diema n tuuni yaa tonda dotoe nni saliwudidiedi nni maama ke li bàá wádi Baalo ligibiandu.

I.3. YAA KOANBADIEGU N DIE TI DIEMA LENI DIETOAMA SIIGA TUGINMA, TI DIEMA LENI I NIBOANDOGI JUOGU LENI TI DIEMA NIBA YAABA N YE DIETOAMA NNI MAAMA

A Koanbala Taanli taa **masienkaama tili yenli** ki waani Bulicina Faso n bàá yaa tuuni a tonda maama dotoe nni, laa tonda yema todima leni bi ŋmapani n bàá yaa ŋua maama.

Laa masienkaama tili tie masienkaama tila taa taanma , lan tie yaa masienkaama tili n den taa li binli 2019, piiga n cilo dana 15 ke li lanba tie 2019-1114/PRES/PM/MINEFID/MAEC/MIABE/MFPTPS, ki waani Bulicina Faso n bàá yaa tuuni a tonda maama dotoe nni, laa tonda yema todima leni bi ŋmapani n bàá yaa ŋua maama, ki pugini yaa masienkaama tili n den taa li binli 2019, piiga n cilo dana 11 ke li lanba tie 2019-0953/PRES/PM/MAEC, ki waani Bulicina Faso n bàá yaa tuuni a tonda maama dotoe nni, laa tonda yema todima leni bi ŋmapani n bàá yaa ŋua maama, leni yaa masienkaama tili n den taa li binli 2008 ke li lanba tie 2008-607/PRES/PM/MEF/MAECR/DEF, ki tuugi leni ban tuuni yaa minteela doetoe nni tuona pò.

Yaa boncanla n tugi yuli laa masienkaama tili nni ne :

- a sanbipaana taama i panpani pò nani yuakuli leni o tuonli n ŋua maama ;
- ki teni mi diema n soani yaa tonda dotoe nni tuona n yaa maa sanbiyenli pò;
- ki sieni ki dagini a minteela baabi bi ŋmapani leni bi tuona puginma pò ;
- ki da go teni Baalo n soani yaaba dotoe nni mi diema ŋantaadi pò niba yema todima ligi n yaa maa Baalo pò ;

- ki teni lan da go yaa tie tiladi Baalo n nɔadini wan soani yaaba dotoe nni mi diema nɔantaadi pò puoba ban tie Baalo tuonsoanba bi ban ki tie.

Laa masienkaama tili bàá teni Baalo n biandi yaa ligi wan tuuni yaaba dotoe nni mi diema nɔantaadi pò n wadi nɔama ke lan todi Baalo n bàà i ilgi mi findima tuona pò.

I.4. YAA KOANBADIEGU N DIIDI BAALO SALIWUUDO, A TUONA LENI BI TUONSOANBA YEMA DAMU

A Koanbala taanli taa **masienkaama tila lie (02).**

Li masienkatikpiali waani yaa mabilikaama n gobidi li tuonñiali n baa fidi ki yaa pia yaa tuona.

Laa masienkaama tili tie ki guani ki pegidi yaa masienkaama tili n den taa li binli 2021, ciluoba dana 09 ke li lanba tie 2021-0529/PRES/PM/MINEFID/MFPTPS, ki waani yaa mabilikaama n gobidi li tuonñiali n baa fidi ki yaa pia yaa tuona ke li tuugi leni yaa lebidima n tieni Baalo koanbadiedi n gagidi ki bili yaa tuona bi niba pò.

Li tuonñiali nni pia yaa tuonbidi n bàá todi Baalo tuona nni tuontoana n soani.

Li boncanla yaala n tugi yuli laa masienkaama tili nni tie ke baa sundi li tuonñiali nni ban bàá fidi ki cilini yaa tuonbidi nani lan bili maama a tuona bààma pò. Li tie yaa tuona n tuugi leni li yantiali leni mi todima sanbila.

Yaa tuona n tuugi leni li yantiali sanbili tie o yantiakpaagidaano tuonli, o yantiakpaagidaano todikoa, mi yantiakpagima bando. Yaala n tie yaa tuona n tuugi leni mi todima sanbili mo, li pia yaa tuonsoalo n ki bàà bangima ba tuonli leni yaa tuonsoanlo n bàà mi bangima tuonli.

Laa masienkaama tili tààma bàá teni ban fidi ki bogini ki go paadi ñama Baalo saliwudo tuona.

Li masienkatilieli ñani yaa madaginkaama n waani ke li tie tilade Baalo tuonsoanlo n yaa tuuni Baalo pò.

Yaa madaginkaama n waani ke li tie tilade Baalo tuonsoanlo n yaa tuuni Baalo pò bua ki yedi ke li tie tilade Bulicina domààtielo yua bàà Baalo saliwuditunli kuli n yaa tuuni Baalo pó bimo domààtielo kuli bàà o yaa pia tunli ke Baalo yini o, n tuo Baalo n yino yaali yaapò.

Laa masienkaama tili bàá teni :

- lan tua tiladi Bulicina domààtielo kuli n soani Baalo n puogi o yaa tunli bi niba kuli todima pò;
- ki bili yaa yogunu ke Baalo tunli bàá soani tiladi yua bàà bangima ba leni Baalo ligi todima ;
- ki bili ke yua yie ki miidi laa masienkaama n guani ki pá Baalo n biani yaa ligi o bangima pó bi o tunli pó.

Laa masienkaama tili sugini ki gbeni Baalo ligibiandu bi tuonsoanba bangima pó mi bangima sanbila nni.

Laa masienkaama tili taama bàá teni Baalo saliwudo n bàà yaa tuonsoanba n dagidi ki go se kaanyendu Baalo tuona pò.

I.5. YAA KOANBADIEGU N DIDI TI BUUDI LENI O NISAALO N PIA YAA SANBILA, KI TUUGI LENI A TUONSOANJAANA

A Koanbala Taanli taa **tiwaankaana lie (02)**.

Li tiwaankakpiali tuugi leni **ban bogini** yaa masienkaama tili ki gandi mi diema kpienbila.

Laa masienkaama tili sugini ki gandi biwaala 129 yaaba yaa danba n tie Vedepeenba, Sapeeripònpienba, a minteela leni mi diema gbanñagidi buoli danba yaaba yaa miana n pòadi bu toabu siiga a nibiada nuu nni.

Laa masienkaama tili tààma bàá teni kpienbiga kuli n bàà ban bili yaa todima mi diema kpienbila pò ke li tuugi leni li báli màáma yaama n den tàà li binli 2022, ciluoba dana 10, ke mi lanba tie 003-2022/ALT ki waani mi diema kpienbila n gagidi ki tie yaaba.

Li tiwaankalieli tuugi leni ban **bogini yaa** báli màáma ki waani a dójààna nni a koana (mi jànjànma) bujiali ban yi yaali « **Faso Bu Kawoore** » mi muadima nni n bàá yaa bogindi ki ñua maama.

Li doagidi li binli 2022 nni Haye cogidiecianli naankani ke bi tie mi linginma ki bàá bandi ki pugini o nisaalo n pia yaa sanbila leni li binli 2023 nni yaa koandiegu n diidi ti buudi leni o nisaalo n pia yaa sanbila kani ke báá a dójààna nni ban maani ki jà a koana buudi maama ki ye li bujiali tila nni, li tie yaa bujiali n ye ama ke bi niba boncianla naa faadi laa bujiali. Yaa lingima n tieni ki go waani ke yaa buudi n pundi Baalo bujiadiedi kani yaadi n jà ke li mangidi bi niba pala kobiga yuli pò laa cie 5%.

Li go doagidi ke a dójààna nni bi niba dugi ki go faadinni ban máli ki sua ke bi já ti buudi maama.

Ban bogini yaa báli màáma nna waani ke li ji pia yaa bujákaani n ye a dobila nni leni i dociami jaana nni ti cicibuudi pò. Li go teni ke bi cilini ti buudi jiama kaanlielu ti cicibuudi soaginma pò.

Ban bogini yaa báli màáma nna bàá teni ban pugini li bujiali paalu bi niba siiga lan teni yuakuli n fidi ki yaa bààdi o buudi jiàma nani lan bili maama.

A Koanbala taanli tuo ke ban bogini yaa báli màáma yeni n pundi Depiteeninba tuonsoandiegu kani.

II. I LÀABÁALITENKE

II.1. Yaa koanbali n die ti diema leni dietoama siiga tuginma, ti diema leni i niboandogi juogu leni ti diema niba yaaba n ye dietoama nni maama togidi a koanbala taanli ɲanduna dogi cagicianli minteela daali badu mi piilele n taalelema pò (77) li binli 2025 cimuu o dana 30 daali wagadugu kani n den cuoni maama.

La badu den bogini leni yaa mayuli n tie ne « **mi yanduanma tuona saala yema pò** » ke li teni ke mi diema yeli pò bi den yugidi Bulicina minteela yela yaaba yaa miana n pòadi mi yanduanma yienu toabu nni ki go jaandi ba leni bi aniali pò.

Laa daali badu den doagidi Bulicina Faso todima ɲanduna dogi cagicianli tuona mi yanduanma pò. Li go den tua yaali n doagidi li ɲandunli kuli pò mi diema n tie yaa moandili mi yanduanma yienu ti diema nni leni yaa diema n kodi kuli nni. Bi den sua ke li pundi mi lebidicianma n tieni ɲanduna dogi cagicianli minteela tuona mi yanduanma pò maama ke li bàá todi ban fidi ki yaa tuuni bi tuona ke li dagidi. Lan yaapò, Bulicina Faso den doagidi mi diema nunlema ki waani ke ban sugini yaala tie ke laa cagili tuona n yaa yegi leni moala na mi yema n tie maama.

II.2. Yaa koanbali n die ti buudi leni o nisaalo n pia yaa sanbila, ki tuugi leni a tuonsoanjaana tuona puni a Koanbala taanli yaa làabáalu n tuugi leni li ɲandunli kuli nni, mi yanduanma daali leni li padingili daali badu boginma li binli 2025 pò.

Nani yaa dogi kuli n ye li ɲandunli dogi cagicianli nni (ONII) n bili maama, Bulicina Faso moko bogini ki baa tieni laa dana badu li binli 2025 ciyia o dana 25 ki gedi piiga n cilo o dana 16. Li mayuli tie « **Bulicina Faso nni, ti maasuagu n pia yaa fuoma bi niba siiga koana gaapò pò, u taayienu leni mi**

yanduanma puginma sanbila nni ». Laa badu tuona cilima baa tua li binli 2025, ciyia dana 20 Giiriko desiyon nni.

Ban lingi yaala laa dana tiadima pò tie ban tigini bi niba a tuadiɲama tienma nni lani tie li padingili leni mi yanduanma yantiali yaali n baa cuani u gaapò bi niba siiga koana nni.

II.3. Li laafiali koanbali puni a Koanbala taanli yaa làabáalu n tuugi leni Bulicina Faso n den kali yaa taanli ke li tie Sayeli tuginyenma cagili (AYESI) laafiali koanbala taanli yaali n den tieni li binli 2025 ciluoba o dana 2 ki gedi o dana 4 daali Ñame, Niseeri diema nni.

Li taanli mayuli den tie ban pugini AYESI cagili dogi taayienu fidu li laafiali sanbila nni.

Laa taanli nni, AYESI cagili dogi laafiali koanbala den diidi ki sua ke li pundi i dogi Yudancianba n kaani taanyenma cagili li laafiali sanbili pò. Bi den bili ke bi ba gedini laa nunlema AYESI cagili dogi Yudancianba kani.

Laa tuginma pò, bi den waani lan baa ɲoadi yaa sanbila nni, lani n tie :

- ki yaa faami i yianpuodike pò ki go yen taani ki taa jaga yaala n tie i yianpuodike gunma leni i buuma pò ki pugini leni yaala n bua tontoni i tinkundogi niba laafialo pò ;
- ki taani ki bogini mi badima AYESI cagili tinkundogi nni ;
- ki teni yaa báli màáma n diidi u ñoagu leni yaa tiadi n bua daama li laafiali pò n yaa tie yenma li cagili dogi kuli nni.
- ki faali bi niba pò ti lotodiedi kani gedima, ki go teni bi tuonsoanba mo n yaa boagidi bi banma leni yaba lan todi i yiantiami buuma AYESI cagili dogi nni.

Li taanli puoli, li laafiali koanbala den gedi ki fuondi Niseeri Yudanciamo Aburahamani TIANI ke o den gaa bi cangu bonɲanla. Bi go den goandi Ñame

logitodieciangu ki la kun pia yaa tiamoandi i yiani boncianla buuma pò ki ban cie li yuli nni soajiini leni tigbanandi jiini lidima pò.

II.4. A bicegidikaana cogu leni mi tuonsoanbanma bangima koanbali puni a Koanbala taanli yaa làabáalu n tuugi leni mi diema taanli u cogu leni mi tuonsoanbanma bangima pò ke li ba tieni li binli 2025 ciyia o dana 25 ki yaa cá o dana 26 Waga pò.

Laa taanli mayuli tie ban taani ki boagidi leni yaba moala nne ban pia yaa nunlema u cogu leni mi tuonsoanbanma bangima pò. Lani n ba todi laa cogu leni laa tuonsoanbangima n nua yaaba kuli n sedi n̄ama ki todi a tuoana n cuoni. Li go tie naankani ke bi n̄iba ba fidi ki taani ki kpaagi, ki boe leni yaba ki nan go tieni li moandili maama ke u cogu leni mi tuonsoanbangima ba cuoni bonn̄anla ti diema nni

II.5. Yaa koanbali n diidi mi gaanilindima, mi n̄ima leni i yianbonfuodi bolinma tuona puni a Koanbala taanli **laabaali lie (02)**.

- U **cicilàabáalu** tuugi leni mi n̄ima n dà yaa bianu i kpenciami nni li binli 2025 cinii o dana 25 daali.

Yaa n̄ima n jiidi mi diema kpenciami nni lani n tie Komowe, Muhunni, Nakanbe leni Niseeri kpeni den todi ke barasinba kuli jie (gbie).

Li binli 2025 cinii o dana 27 daali, ban den diidi barasinba bi den sua ke bi jie ke li dagidi. Barasinba jienma n boagidi maama nna :

- piiga n bonbinaa (14) jie ke li pendi 100% ; lani n tie : Bagere, Siga, Samendeni, Seyitenga, Vi, Duru, Lunbila, Segenega, Waga (2+3), Luda, Tusiana, Musodugu, Titawo, Giti.
- bonbilie (02) jie ke li dagidi ; lani n tie Lobi leni Kpenpiena. Bi n̄ima jienma pundi yua n n̄ua o yua 85,80% leni 84,32% ;

- bonbilie jie waamu ; lani n tie Guanre baraso leni Bami fuanu. Bi ñima jienma pundi yua n gua o yua 54,88% leni 71,74% ;
- barasi yendo yaa jienma n pòadi ; lani n tie Wayiguya, o dagini 40,00% ;
- laa pia yaa baraso n ki jie ki pundi 25%.

Ban diidi ki laa mi ñima n cuoni maama, bi sua ke Muhunni gaanilindima kpeni kuli jie ki caadi.

Nakanbe kpenciamu gaanilindima kani, bi sua ke mi ñima doni ñama lani n tie Bagire, Siga, Lunbila, Waga (2+3), leni Wayen. Li bàá fidi ba ki cuani jalibu nani ku ñinkuagu i dociami nni len i dokuni nni.

Ki juodi, Komowe kpenciamu gaanilindima kani, mi ñima doma ki foagi leni lan bili man yaa ye naankani (Diarabakoko kani) ama li bua ban yaa faami mi pò yogunu kuli.

Ki tuugi leni laa laabaali pò, tin bàá yaa faami yaala yaa pò nne :

- ti ñinkuadi tienma i kaantiami ki taaga ya mina ki caadi nani yaa dogi n baali a boangbana bi yaa dogi n pia bi niba boncianla ke i ñinguoli mo naa go koadi nani lan naani nni maama;
- ti joagindi bàá fidi ki kua mi ñima nni ;
- ti baadi ñima ba fidi ki jie ki caadi (lani n tie Boromo, Dapòla, Wayen) ;
- mi ñima ba fidi ki pòadi i kaantiami nani Wayiguya leni Guanre maama ke li bàá fidi ki biidi ku kpaangu ki go cuani bi niba pò fala.
- **U laabaalilielu** tuugi leni mu fuayancianliedimu n den kua dociami lie nni leni u kuanu nni li binli 2025 cinii o dana 22 leni o 23 daali.

Li binli 2025 cinii o dana 22 alijima daali, bi den laa fuayancianmu lie dociami lie nni ti diema nni. Lani n tie o mùanua Balikuwi jaali nni sekiteeri 50 Golifi fanma nni Wagadugu arondisema 12 nni. Bi go den laa o yanluomo, bonjagu, Bobo pò sekiteeri 25 leni 26 arondisema 5 nni.

Mi gaanilindima koanbadiegu den teni ke bi kpa laa fuayanliediti kelima bi den moani ban bàá tieni maama ki cùoba ki gbala.

Li binli 2025 cinii o dana 23 asibidi daali, o yanluoma den tagini kuanu nni, Tiefora kominno nni, Komowe pòrovenso pò, Tannunyan desiyon nni. Laa yanluomo den pòagili nikpelo ke o bina yabi hali ke o miali pòadi.

I laabaali n den pundi laa dogu patieba kani ke bi gedi ki ban baagi o kpiemo diegu nni yaaba.

Tii bi maani mu fuayancianmu n kua i dociami nni leni i kuani nni. Ama ba yaa yogunu n pendi puoli pò, li den peli ki tieni. Yaali n kpendinni laa bonla mo tie :

- ti fuayandi wuonkaani li fuali nni wadima, li ba fidi ki cedi ti fuayandi n ña li fuali pò ki kua i kuani nni bi i dociami nni ki bàá lingi mi jiema leni mi ñima ;
- ti fuayandi sani li fuali nni wadima leni i biidima ;
- ti fuayandi ñabima a fuabila nni.
- i kuani tandikuama a yankpafuana nni;
- u fuagoadu n pugini maama a nibiada tuada pò.

Bulicina Faso nni, i yanluomi leni i muane coali yabi. WISENI cagili n den tieni mi lingima, li den doagidi ke i yanluomi coali tie luomi 6850, lani n tie mi nuboandiema nintuali yanluomi coali boagidima. Yaali n tie i mùane mo, bi coali Bulicina Faso nni tie nè 34 619 dubilive leni Arili fuana nni leni mùane 177 Nasenga yaa fuali nni.

III. BAN DINI YAABA A BALA

III.1. BAN DINI YAABA A BALA NI YENDO YENDO TUONNA NNI

A. BULICINA FASO YUDANCIAMO TUONSOANKAANU KANI

- Aluuna **SAWADOGO**, joa, o tie yua n pegidi bi niba, bi dini o li báli ke o tua o kuuranciamo (enerisi atomiki) tuonjaali yudaano.

B. KU CICIKOANBADIEGU KANI

- Mohamedi **SOROMI**, o lanba li tuonli nni tie **91 674 N**, joa, o tie Baalo ligi tuonsoandiedi gobidikoa, bi dini o li báli ke o tua ku koanbadiegu tuonsoanjaana goandikoa;

- Amado **BICIENGA**, o lanba li tuonli nni tie **91 956 B**, joa, o tie a tinbuona gobidikoa, bi dini o li báli ke o tua ku koanbadiegu tuonsoanjaana.

C. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA KANI

- Lusien **JENJERE**, o lanba li tuonli nni tie **91 945 R**, joa, o tie a tinbuona gobidikoa, bi dini o li báli ke o tua Nando desiyon tila dianma yudaano;

- Bepaanpò **WOBA**, o lanba li tuonli nni tie **238 014 P**, joa, o tie a tinbuona gobidikoa, bi dini o li báli ke o tua Pòni pòrovenso Hokomiseeri;

- Monsieur Siméon Lawujolo **TOE**, o lanba li tuonli nni tie **105 207 E**, joa, o tie a tinbuona gobidikoa, bi dini o li báli ke o tua Nunbieli pòrovenso tila dianma yudaano;

- Mumuni **WEDIRAWOGO**, o lanba li tuonli nni tie **220 629 B**, joa, o tie a tinbuona gobidikoa, bi dini o li báli ke o tua Peni depatema Perefè ;

- Yakuba **BAARO**, o lanba li tuonli nni tie **116 973 R**, joa, o tie a tinbuona gobidima tidianlo, bi dini o li báli ke o tua Kayan depatema Perefè;

- Bia **TOPAN**, o lanba li tuonli nni tie **75 963 G**, joa, o tie a tinbuona gobidima tidianlo, bi dini o li báli ke o tua Kogo depatema Perefè;

- Yanbi **BAMOGO**, o lanba li tuonli nni tie **212 065 Y**, joa, o tie a tinbuona gobidikoa, bi dini o li báli ke o tua Jakpaga depatema Perefe.

D. BU KPAABU, LI YANWUBILI LENI MI ÑIMA NNI BONPIAKAALA KOANBADIEGU KANI

- Karimi **TARAWORE**, o lanba li tuonli nni tie **224 490 G**, joa, o tie bu kpaabu bando, bi dini o li báli ke o tua bu kpaabu leni li yanwubili tuonjaana yudaano Leraba pòrovenso nni;

- Subabio **TAMINI**, o lanba li tuonli nni tie **91 327 A**, joa, o tie bu kpaabu tuona tundikoa, bi dini o li báli ke o tua bu kpaabu leni li yanwubili tuonjaana yudaano Komoanjaali pòrovenso nni.

E. LI GUUNLI KOANBADIEGU KANI

- **SUBEYIGA** pua Kiansigire Inesi **MEDA**, o lanba li tuonli nni tie **200 326 J**, pua, o tie a tinbuona gobidikoa, bi dini o li báli ke o tua ti wulabuodi guudima tuonsoanjaali goandikoa.

F. MI NIÑINGBADIMA LENI TORIYABA KOANBADIEGU KANI

- Useyini **SORO**, o lanba li tuonli nni tie **108 486 H**, joa, o tie a biñinda gobidima tuona goandikoa, bi dini o li báli ke o tua ban bogini yaa tuonli « **mi gobidima leni mi todima** » ligiyuli yudaano;

- Teresi Valeri **SANU**, o lanba li tuonli nni tie **220 409 M**, pua, o tie bi puoba leni bi jaba tuona findima tundikoa, bi dini o li báli ke o tua ban bogini yaa tuonli « **O pua leni o buolu** » ligiyuli 048 yudaano;

- Wendikuni Benjamin **WEDIRAWOGO**, o lanba li tuonli nni tie **205 354 S**, joa, o tie yaa bila n pia pòadi gobidima tuona goandikoa, bi dini o li báli ke o tua ban bogini yaa tuonli « **mi biwaama leni ku diegu** » ligiyuli 049 yudaano;

- Isayi **FORO**, o lanba li tuonli nni tie **46 400 C**, joa, o tie bi niba yema tuona gobidikoa, bi dini o li báli ke o tua ban bogini yaa tuonli « **toriyaba ti diema** »

nni, mi yebiadima leni mi bi niba yepaama fala bolinma » ligiyuli 050 yudaano.

G. LI LAAFIALI KOANBADIEGU KANI

- Unnanlinni **CONBIANU**, o lanba li tuonli nni tie **53 732 T**, joa, o tie ti lotodieciami govidima tuonsoanlo, bi dini o li báli ke o tua Pala lotodieciangu yudanciamo.

H. YAA KOANBADIEGU N DIIDI I SANI TIENMA LENI A DIEGBENGA MAAMA KANI

- Isimayeli **SEBERE**, o lanba li tuonli nni tie **74 293 E**, o tie li diemaali bandiciamo , bi dini o li báli ke o tua li koanbáli todikoa;

- Eriki **BUDA**, minteligbengili, bi dini o li báli ke o tua baalo tuonjaali yaali n tuuni a tuonpaala kani mi tuonbanma liigiyua.

I. YAA KOANBADIEGU N DIE A BONWAALA COGU, TI MAAMAAMAAMA COGU LENI TI DIEMA MABUOLI FINDIMA KANI

- Benewende Bonavantiiri **SEGEDA**, o lanba li tuonli nni tie **48 454 W**, o tie a bonwaala leni ti mabuoli cogu tuona goandikoa, bi dini o li báli ke o tua ku koanbadiegu tuona kpaagibandima leni a coala tuona yudaano.

J. A BICEGIDIKAANA COGU LENI MI TUONSOANBANMA BANGIMA KOANBADIEGU KANI

- Bileesi Benua **YAWO**, o lanba li tuonli nni tie **101 722 E**, o tie kolesinba leni liceenba cogu tundikoa, bi dini o li báli ke o tua u nuu tuonbanma cogu leni li bangima yudanciamo;

K. YAA KOANBADIEGU N DIE A COGIBIGBENGA COGU LENI MI BANCANMA LINGINMA TUONA KANI

- Ariman **TENKODOG O**, o lanba li tuonli nni tie **324 683 G**, o tie a tinbuona gobidikoa, bi dini o li báli ke o tua iniverisite cogu leni a masina (iniverisite viritueli) nni tidianma tuonsoandieciangu yudaano.

III.2. BAALO TUONSOANBA YAABA KE BI ÑANI BA LI TUONLI NNI

A koanbala taanli ñani koanbadiedi 9 tuonsoanba 20 li tuonli nni ki go fie ban baa yaa maalima bi tuonŋanli gaali pò.

Bi ñani laa tuonsoanba li tuonli nni kelima baalo den taa li jagili ki mia bi tuonsoanba n waani bi banma tili yaali n todi ke bi baa li tuonli bi ki suagi liiga. Lani yaa niinne ke bi diidi ki sua ke laa tuonsoanba naa pia timoana.

Yeni, baalo tuonsoanba yaaba yaa yela n ŋua ne ñani li tuonli nni:

Yaa koanbadiegu n die ti diema tinbuona gobidima leni a sancena tuona kani:

- **IDOGO** pua Binta **DAYAMBA**, o lanba li tuonli nni tie **326 709 Y**, o tie biilo tuonsoanlo.

Bu kpaabu, li yanwubili leni mi ñima nni bonpiakaala koanbadiegu kani :

- Ebeneseeri **EDASOLA**, o lanba li tuonli nni tie **259 050 K**, joa, o tie biakudo ;
- Mahamadi **WEDIRAWOGO**, o lanba li tuonli nni tie **118 815 V**, joa, o tie biakudo ;
- Safiatou **KARANBIRI**, o lanba li tuonli nni tie **256 997 P**, yanwubili tuona bandiciamo.

Yaa koanbadiegu n diidi baalo saliwuudo, a tuona leni bi tuonsoanba yema ŋamu kani :

- Sayidu Etienni **SEBIGO**, o lanba li tuonli nni tie **216 399 F**, o tie tuonsoanlo yua n bani bi niba gobidima tuona.

Yaa koanbadiegu n die i laabaali tenma, ku maasuagu, i nii tagima leni yanluadi goada tuona:

- Hamidu **LI**, o lanba li tuonli nni tie **76 269 S**, o tie biilo tuonsoanlo.

Yaa koanbadiegu n die ti buudi leni o nisaalo n pia yaa sanbila, ki tuugi leni a tuonsoanjaana kani:

- Dose **GUBA**, o lanba li tuonli nni tie **92 540 E**, joa, o tie ti buudi saliwuudo tidianlo.

Li laafiali koanbadiegu kani:

- Yakuba **FAYAMA**, o lanba li tuonli nni tie **58 021 Y**, joa, o tie ti lotoliti tuona bando;
- Wendikuni Evelinni **KINDA**, o lanba li tuonli nni tie **264 750 W**, o tie lotopua;
- Aminata **SAWADOGO**, o lanba li tuonli nni tie **250 581 J**, pua, o tie madimaani ;
- Adama **KOMI**, o lanba li tuonli nni tie **290 274 M**, joa, o tie ti lotoliti tuona bando;
- Tinga Sarili **WEDIRAWOGO**, o lanba li tuonli nni tie **103 711 K**, joa, o tie ligikubilo ;
- Lebiri **SAWADOGO**, o lanba li tuonli nni tie **251 195 Z**, joa, o tie biakudo ;
- Buleema **BORO**, o lanba li tuonli nni tie **103 794 F**,joa, o tie masina bonɲanbilo.

Yaa koanbadiegu n diidi enterineta, a tisoankaana tuonsoandiedi leni tankalafo tuona kani:

- Orokiatu **TARAWORE**, o lanba li tuonli nni tie **87 532 N**, joa, o tie biilo tuonsoanlo.

A bicegidikaana cogu leni mi tuonsoanbanma bangima koanbadiegu kani :

- Irenni **BATIONO**, o lanba li tuonli nni tie **119 146 B**, pua, o tie saliwuudi biilo tidianlo duogili;
- San Kulodi **BELENMI**, o lanba li tuonli nni tie **86 156 Y**, joa, o tie liseenba leni kolesinba cogicanba ;
- Yusufi **JALO**, o lanba li tuonli nni tie **55 549 U**, joa, o tie liseenba leni kolesinba cogicanba;

- Musa **KONSINBO**, o lanba li tuonli nni tie **216 095 V**, joa, o tie biakudo.

Yaa koanbadiegu n die a cogibigbenga cogu leni mi bancanma linginma tuona kani :

- Alekisi **KAFANDO**, o lanba li tuonli nni tie **54 109 S**, joa, o tie i yianbonfuodi biigima tuonsoanlo.

III.3. BAN DINDI YUA YAA BÁLI

YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA KANI

Bi dindi Sieniban **YAKUE** báli, o lanba li tuonli nni tie **211 751 N**, joa, pòlisi tuonsoanlo, ki bi tie Solihan Depatema Perefe.

III.4. BAN DINI YAABA A BALA A TUONSOANJAANA YELI PÒ

A koanbala taanli den baa ban dini yaaba a bala a tuonjaana tuona gobidima pò:

- a minteela leni bi paatieba yaaba n guu mi diema ligi tuonsoandiegu kani Bulicina Faso Yudanciamo tuonsoankaanu yeli nni ;
- ti diema tuonjaali yaali n tuuni a tadima leni a cagibila nukubili pò (ANPIFI) kani yaa koanbadiegu n diidi ti diema loagu leni i ligi yeli nni;
- ti diema tuonjaali yaali n tuuni silima leni ti junjundi leni i fenli tuona kani yaa koanbadiegu n diidi enterineti, a tisoankaana tuonsoandiedi leni tankalafo tuona yeli nni;
- yaa ligi n ye celi Bulicina sani pò yaa koanbadiegu n diidi i sani tienma leni a diegbenga maama yeli nni.

A koanbala taanli go baa ban dini yua li báli ke o kua i biakaabifani tuonjaali tuona boginma gobidikaaba cagili nni yaa koanbadiegu n die ti diema tinbuona gobidima leni a sancena tuona yeli.

Moko, a koanbala taanli baa ban dini yua li báli ke o tua a tuona boginma cagili liigiyua ti diema tuonjaali yaali n tuuni silima leni ti junjundi leni i fenli tuona kani.

A. BULICINA FASO YUDANCIAMO TUONSOANKAANU

A koanbala taanli taa **masienkaama tili** ki dini li báli Maliyama **KONE**, pua ki tie minteeligbengili, ke o tua o tuonsoanlieba pò a tuona Gobidikoa a minteela leni bi paatieba yaaba n guu mi diema ligi tuonsoandiegu kani, li báli yogunkpialu nni bina taa (03).

B. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA

A Koanbala taanli taa **masienkaama tili yenli** ki goa ki pandi **BAGE** pua Hañamu Sidoni Denisi **BADUNNI** báli, ke o lanba li tuonli nni tie **105 150 S**, o tie diema leni mi yama tuginma tuona tundikoa, ke o kua baalo pò i biakaabifani tuonjaali tuona gobidikaaba cagili nni, yaa koanbadiegu n die ti diema leni dietoama siiga tuginma, ti diema leni i niboandogi juogu leni ti diema niba yaaba n ye dietoama nni maama yeli nni, li bajuodikaali yogunu bina taa (03) nni, li yogunu coalo cili li binli 2024 cimuu dana 3.

C. YAA KOANBADIEGU N DIIDI TI DIEMA LOAGU LENI I LIGI

A Koanbala taanli taa **masienkaama tili yenli** ki dini li báli **JIGIMA** pua Rakiata **NABI**, ke o lanba li tuonli nni tie **212 307 X**, o tie u loagu tuona tundikoa, ke wan kua baalo pò ti diema tuonjaali yaali n tuuni a tadima leni a cagibila nukubili pò (ANPIFI) kani yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuona yeli nni li bakpiali yogunu bina taa (03)nni.

D. YAA KOANBADIEGU N DIE I LAABAALI TENMA, KU MAASUAGU, I NII TAGIMA LENI YANLUADI GOADA TUONA

A Koanbala Taanli taa **masienkaama tila lie** (02).

Mi masienkaama tikpiali dini li báli yaa niba n tie ne ke bi tua a tuona gobidikaaba, ti diema tuonjaali yaali n tuuni silima leni ti junjundi leni i fenli tuona kani ke li tie o cicibáli bina taa (03) pò.

YAABA N TUA A TUONA GOBIDIKAABA BAALO YELI PÒ

Yaa koanbadiegu n die i laabaali tenma, ku maasuagu, i nii tagima leni yanluadi goada tuona kani:

- Mokitaari **SANFO**, joa, o lanba li tuonli nni tie **117 275 J**, o tie ku maasuagu piama kubili tundikoa.

Yaa koanbadiegu n die ti diema tinbuona gobidima leni a sancena tuona kani:

- Kadiso **SAYAWOGO**, joa, o lanba li tuonli nni tie **324 909 T**, o tie bi niba leni ti tuonsoandiedi gobidima tundikoa.

Yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuona kani:

- Ali Badara **PARE**, joa, o lanba li tuonli nni tie **303 468 L**, o tie u loagu tuona tundikoa.

Yaa koanbadiegu n die a cogibigbenga cogu leni mi bancanma linginma tuona kani :

- **PALIMI** pua Valantinni **SANOU**, o lanba li tuonli nni tie **254 793 M**, o tie iniverisite cogicanbaa.

Yaa koanbadiegu n diidi baalo saliwuudo, a tuona leni bi tuonsoanba yema ŋamu kani :

- Pielɩ **BUNDAWONE**, o lanba li tuonli nni tie **77 748 L**, o tie bi niba godima tuonkoa.
- Yaa koanbadiegu n diidi enterineti, a tisoankaana tuonsoandiedi leni tankalafo tuona kani:
- Batelemi **KONSEYIBO**, joa, o lanba li tuonli nni tie **49 501 R**, o tie enterineti tuona bandiciamo.

Yaa koanbadiegu n die ti diema leni dietoama siiga tuginma, ti diema leni i niboandogi juogu leni ti diema niba yaaba n ye dietoama nni maama kani:

- Usimaani **BA**, joa, o lanba li tuonli nni tie **104 406 S**, o tie a koanbala tuona bando.

YAABA N TUA A TUONA GOBIDIKAABA YAA TUONJAALI N DIIDI A TINBUONA BOGINMA LENI LI TANMAALI TUONA YELI NNI

- **JINKO** pua Wuriyanni Nadesi Firesi **HIEN**, o lanba li tuonli nni tie **329 473 Y**, o tie i laabaali lingima leni li yankpaagili tuona tundikoa.

YAABA N TUA KU MAASUAGU TUONSOANBA GOBIDIKAABA BONCELI DANBA YELI PÒ

Silima, ti junjundi leni i fenli cagicianli kani:

- Mamunata **NICIEMA**, o tie silima leni ti junjundi boginma bando.

Silima, ti junjundi leni i fenli faaji diedi tuonsoanba cagili kani :

- Rakisiyawoba Rodirigi **KABORE**.

YUA N TUA A TUONA GOBIDIKOA KOMINNINBA YELI NNI

Wagidugu kominno kani:

- **WEDIRAWOGO** Mamunata **CIEMITORE**, o lanba li tuonli nni tie **304 365 D**, o tie bi nipanba tundikoa.

**YAABA N TUA A TUONA GOBIDIKAABA TI DIEMA TUONJAALI
YAALI N TUUNI SILIMA LENI TI JUNJUNDI LENI I FENLI TUONA
YELI NNI**

Bi tuonsoanba kani :

- Etienni **BUGIMA**, o lanba li tuonli nni tie **202 707 T**, o tie mi láabàalitenma tuonsoanlo.

A cogibila kani :

- Rayanginewende Keven **SAWADOGO**, cogibiga, wan tugi a cogibila kuli yuli yaa yogunu banlu.

Cogicanbaaba kani :

- Isiaka **KONATE**, cogicanbaa.

Masienkaama tilieli dini li báli Mokitaari **SANFO**, joa, ke o lanba li tuonli nni tie **117 275 J**, o tie ku maasuagu piana kubili tundikoa, ki teni ke o tua a tuona gobidikaaba cagili liigiyua, ti diema tuonjaali yaali n tuuni silima, ti junjundi leni i fenli tuona kani, li tie o cicibáli bina taa (03) pò.

**E. YAA KOANBADIEGU N DIIDI I SANI TIENMA LENI A
DIEGBENGA MAAMA**

A koanbala taanli taa **masienkaama tili** ki dini li báli Sayidu **SAVADOGO**, joa, o lanba li tuonli nni tie **51 958 E**, o tie u loagu tuona bandiciamo, ke o tua baalo pò ku Cicikoanbadiegu yeli pò, a tuona Gobidikoa i sani tuona ligi tuonjaali kani, li tie o cicibali bina taa (03) pò ki gaa Daramaani **TARAWORE** kaanu.

Gufenema Masoagindo



www.sig.gov.bf

Le Porte-parole du Gouvernement,



Pingdwendé Gilbert OUEDRAOGO
Chevalier de l'Ordre de l'Étalon

Pengidiwende Silibeedi WEDIRAWOGO
O baa Baalo jaandi leni Tanjoa maalima

Tinunga **33** tinunmu **33** siiga